

RÍKISLÖGREGLUSTJÓRINN	SKÝRSLA YFIRHEYRSLA SAKBORNINGUR/GRUNADUR	R L S	
Skýrslu gerir Sveinn Ingiberg Magnússon, lögreglufulltrúi		Mál nr. 006-2002-00086	V/4.10
Staður og stund: Skrifstofa efnahagsbrotadeildar, föstudaginn 27. ágúst 2004. Klukkan 14:25			
Sakarefni: Umboðssvik (249. gr. alm.hgl.) - ólögmætar lánveitingar (104. gr. 2/1995) – ætluð brot á lögum um ársreikninga.			
Vitni: Jón Ásgeir Jóhannesson		Kennitala: 270168-4509	
Starf/staða: Forstjóri		Vinnusími: 696 9999	
Lögheimili: Laufásvegi 69, 101 Reykjavík		Sími:	
Dvalarstaður:		Sími:	
Kynnt tilefni yfirheyrslunnar, vitnaskylda og ábyrgð.			

Jón Ásgeir er mættur á skrifstofu efnahagsbrotadeildar ríkislögreglustjórans skv. boðun, ásamt skipuðum verjanda sínum Gesti Jónssyni hrl.

Honum er kynnt ástæða skýrslutökunnar sem varðar rannsókn lögreglu á ætluðum umboðssvikum og ólögmætum lánveitingum Jóns Ásgeirs í tengslum við viðskipti Baugs við Fjárfar ehf. Jóni Ásgeiri er kynnt að honum sé ekki skylt að svara spurningum um eigið sakarefni en brýnt fyrir honum að segja satt og rétt frá og draga ekkert undan sem máli kanna að skipta.

Jón Ásgeir kveðst skilja þessi réttarfarsákvæði.

Lánveitingar til Fjárfars ehf. 2000 - 2001:

Jóni Ásgeiri er kynnt að þær lánveitingar sem um ræðir og eru m.a. tilefni þessarar skýrslutöku hafi átt sér stað á tímabilinu frá maí 2000 til febrúar 2001. Mun hann nú verða spurður nánar um þær:

16.05.2000: "Hlutfé í Baugi selt Fjárfari, 5m * 12,9"

Undir Jón Ásgeir er borið fylgiskjal 8.4 sem er hluti af skýrslu SRS. Um er að ræða kaupsamning á milli Baugs sem seljanda og Fjárfars sem kaupanda að 5.000.000 hlutum í Baugi samtals að fjárhæð kr. 64.500.000. Jón Ásgeir ritar undir samninginn fyrir hönd Baugs en Helgi Jóhannesson f.h. Fjárfars. Jón Ásgeir er spurður hvort hann þekki þennan samning og geti staðfest undirritun sína á honum. Einnig er hann spurður hvort hann viti hver hafi útbúið þennan samning.

Jón Ásgeir kveðst kannast við þennan samning og staðfesta undirritun sína á samningnum, en hann kveðst ekki vita hver hafi sett samninginn upp.

Jón Ásgeir er beðinn um að skýra frá þessum viðskiptum og aðdraganda þeirra.

Jón Ásgeir segir að um sé að ræða viðskipti með hlutabréf í Baugi. Varðandi aðdraganda viðskiptanna þá kveðst Jón Ásgeir ekki muna það vel eftir þeim til þess að geta skýrt þau nánar.

Jón Ásgeir er spurður hvort hann hafi átt beinan þátt í þessum viðskiptum.

Jón Ásgeir kveðst hafa skrifað undir samninginn, en kveðst ekki geta gert nánari grein fyrir aðkomu sinni að þeim. Hann kveðst vísa til fyrri svara sinna hjá lögreglu varðandi þessi viðskipti.

Aðspurður um það hver hafi komið fram fyrir hönd Fjárfars í þessum viðskiptum þá segir Jón Ásgeir að það hafi verið Helgi Jóhannesson, enda hafi Helgi undirritað samninginn fyrir hönd Fjárfars.

Jón Ásgeir er spurður hvort einhverjir lánasamningar hafi verið gerðir vegna þessara viðskipta Baugs og Fjárfars.

Jón Ásgeir kveðst ekki minnst þess hvort gerðir hafi verið lánasamningar við þessi viðskipti við Fjárfar.

Jón Ásgeir er kynnt að svo virðist sem stofnað hafi verið til skuldar Fjárfars við Baug með þessum viðskiptum og ekki hefur verið lagður fram neinn lánasamningur vegna þessara viðskipta. Hann er spurður hvort Fjárfar hafi lagt einhverja tryggingu fram gegn þessari skuld.

Jón Ásgeir kveðst ekki minnst þess nú hvort lagðar hafi verið fram tryggingar fyrir þessari skuld, hann segir Fjárfar hafa staðið ágætlega á þessum tíma. Jón Ásgeir tekur það fram að búið sé að gera upp allar skuldir Fjárfars við Baug í dag.

Jón Ásgeir er spurður einhver annar af forsvarsmönnum Baugs hafi komið að þessum viðskiptum.

Jón Ásgeir kveðst ekki minnst þess nákvæmlega nú hvort einhver annar en hann hafi komið að viðskiptunum. Hann tekur það fram að þetta hafi ekki verið stór viðskipti og því hafi ekki þurft að vera að blanda mörgum inn í þau.

Jón Ásgeir er spurður hvort að endurskoðendur félagsins hafi komið með einhverjar athugasemdir varðandi þessa kröfu á Fjárfar. Ef svo er, þá um hvað fjölluðu þær og hvernig var brugðist við þeim.

Jón Ásgeir kveðst ekki reka minni til þess.

Jón Ásgeir er spurður hvort og þá hvenær gengið var á eftir innheimtu á þessari skuld Fjárfars við Baug.

Jón Ásgeir segir að Fjárfar hafi gert upp þessa kröfu eins og rætt hafði verið um. Hann ítrekar að þessi krafa hafi aldrei verið í neinni hættu. Aðspurður kveðst Jón Ásgeir telja víst að þessi krafa hafi verið gerð upp í lok rekstrarárs 2002, en hann kveðst ekki muna nákvæmlega hvernig krafan var gerð upp. Hún hafi í öllu falli verið gerð upp á einhvern peningalegan hátt.

Jón Ásgeir er spurður hvaða mat hann leggi eða hafi lagt á lögmæti þessarar lánveitingar.

Jón Ásgeir segir að um hafi verið að ræða viðskipti með greiðslufresti.

30.06.2000: "Baugur.net selt til Fjárfars" - kr. 50.000.000

Undir Jón Ásgeir er borið skjal málsins nr. II/37.2.2. Um er að ræða kaupsamning dags. 16. júní 2000 á milli Baugs sem seljanda og Fjárfars sem kaupanda að 2.500.000 hlutum í Baugi.net samtals að fjárhæð kr. 50.000.000. Jón Ásgeir og Jón Scheving Thorsteinsson rita undir samninginn fyrir hönd Baugs en Helgi Jóhannesson f.h. Fjárfars.

Jón Ásgeir er spurður hvort hann þekki þennan samning og geti staðfest undirritun sína á honum. Einnig er hann spurður hvort hann viti hver hafi útbúið þennan samning.

Jón Ásgeir kveðst vísa til fyrri svara sinna hjá lögreglu varðandi þennan samning og skýringar Baugs-Group hf. varðandi þessi viðskipti.

Jón Ásgeir er beðinn um að skýra frá aðdraganda þessara viðskipta og hvernig þau hafi komið til, m.a. hver hafi komið fram fyrir hönd Fjárfars í þessum viðskiptum.

Jón Ásgeir kveðst vísa til fyrri svara sinna varðandi þessi viðskipti, hann hafi engu við það að bæta.

Jón Ásgeir er spurður hvort einhverjir lánasamningar hafi verið gerðir vegna þessara viðskipta Baugs og Fjárfars.

Jón Ásgeir kveðst vísa til svara Baugs-Group hf til lögreglu varðandi þetta.

Jón Ásgeir er spurður hvort að Fjárfar hafi lagt einhverja tryggingu fram gegn þessari skuld.

Jón Ásgeir kveðst telja að bréfin í Baugi.net hafi verið lögð fram sem trygging fyrir þessum viðskiptum, annars kveðst hann ekki muna vel eftir þessu.

Jón Ásgeir er spurður hvort og þá hvenær gengið var á eftir innheimtu á þessari skuld Fjárfars við Baug.

Jón Ásgeir kveðst ekki muna það nú hvort fjármáladeild Baugs hafi gengið eftir innheimtu á þessari skuld.

Sala Baugs á þessum bréfum var bakfærð þann 21.02.2002 í bókhaldi Baugs. Skv. upplýsingum frá núverandi talsmanni Fjárfars ehf. voru þessi viðskipti bakfærð skv. samkomulagi milli aðila þar sem forsendur brustu fyrir því að félagið yrði skráð á markað. Jón Ásgeir er spurður hvort að eitthvað slíkt samkomulag hafi verið til staðar og er hann þá beðinn um að gera grein fyrir því.

Jón Ásgeir kveðst ekki viss um að til hafi verið skriflegt samkomulag varðandi þetta. Það hafi þó verið stefnan að Baugur.net yrði skráð á markað og miklar væntingar í tengslum við það. Jón Ásgeir tekur það fram að sjóður á vegum Íslandsbanka hafi einnig fjárfest í Baugi.net, en það hafi verið Talenta tækisjóður.

Jóni Ásgeiri er kynnt að samkvæmt bókhaldi Baugs var söluhagnaðurinn að fjárhæð kr. 47,5 mkr. vegna þessara viðskipta færður til tekna þann 30.06.2000. En þegar kaupin voru látin ganga til baka 28.2.2002 var söluhagnaðurinn ekki færður til baka, heldur færður til eignar sem viðskiptavild, þrátt fyrir að fyrirætlanir um að skrá Baug.net á markað hafi ekki gengið eftir.

Jón Ásgeir er beðinn um að skýra þessa meðferð á viðskiptunum í bókhaldi Baugs, hver tók ákvörðun um slíka færslu á söluhagnaðinum og gerðu endurskoðendur einhverjar athugasemdir við þessa færslu.

Jón Ásgeir kveðst minnst þess að eignir Baugs.net hafi verið leiðréttar og færðar niður í bókhaldi Baugs. Hann kveðst ekki muna það nákvæmlega nú hvenær það hafi verið gert, en það hafi verið einhvern tíma á þessu tímabili. Jón Ásgeir tekur það fram að viðskipti annara fjárfesta sem keypt höfðu í Baugi.net hafi einnig verið bakfærð.

13.02.2001: "Fjárfar ehf. ógr. hlutafjárukning" - kr. 85.758.591

Jón Ásgeir er beðinn um að skýra frá þessum viðskiptum, en ekki liggur fyrir samningur vegna þessara viðskipta.

Jón Ásgeir kveðst hafa greint frá þessum viðskiptum síðast þegar hann var yfirheyrður um þennan þátt málsins hjá lögreglu.

Jón Ásgeir segir að á þessum tíma hafi Fjárfestingarfélagið Gilding ætlað að stofna til viðskipta með töluvert af bréfum í Baugi og m.a. ætlað að kaupa þessi hlutabréf af Fjárfari. Það hafi ekki gengið eftir og Fjárfar haldið þessum bréfum úr hlutafjárukningunni.

Varðandi það hvort til sé samningur um þessi viðskipti, þá kveðst Jón Ásgeir telja að til sé áskriftarblað varðandi þessi viðskipti þar sem Fjárfar hafi skráð sig fyrir þessum bréfum. Hann kveðst þó ekki vita hvort til sé eiginlegur undirritaður samningur um þessi viðskipti.

Aðspurður kveðst Jón Ásgeir ekki muna það nú hver hafi komið fram fyrir hönd Fjárfars í þessum viðskiptum.

Jón Ásgeir er spurður hvort gerður hafi verið lánasamningur samhliða þessum viðskiptum, eða hvort þessi krafa á Fjárfar sem myndaðist við viðskiptin hafi verið tryggð með einhverjum hætti.

Jón Ásgeir segir að búið sé að gera upp allar skuldir Fjárfars gagnvart Baugi í dag og því hafi ekkert verið athugunarvert við þessa kröfu á Fjárfar. Hann kveðst ekki minnst þess að lánasamningur hafi verið gerður samhliða þessum viðskiptum.

Jóni Ásgeiri er bent á að þegar Baugur veitti Fjárfari þessa lánveitingu átti Baugur þegar útistandandi miklar kröfur á hendur Fjárfari eins og fram hefur komið hér að framan. Jón Ásgeir er því spurður hvernig það kom til að enn var aukið á skuld Fjárfars við Baug og án þess að nokkuð trygging væri þar að baki.

Jón Ásgeir segir að hann hafi talið öruggt að þessi krafa fengist greidd og í þessu fælist engin áhætta. Hann segir að Baugur lagði á það áherslu að Fjárfari tæki þátt í þessum viðskipta, eins og komið hafi fram í fyrri framburðum Jóns Ásgeirs hjá lögreglu.

Jón Ásgeir er spurður hver hafi verið sá forsvarsmaður Fjárfars sem Baugur hafi leita til og lagt áherslu á þessi viðskipti við Baug.

Jón Ásgeir kveðst telja að það hafi verið Helgi Jóhannesson sem hafi verið sá forsvarsmaður Fjárfars.

Jón Ásgeir er spurður hvort að stjórn Baugs hafi fjallað um þessa kröfu á Fjárfar sem stofnað var til með þessum þremur viðskiptum sem borin hafa verið undir Jón Ásgeir við þessa yfirheyrslu.

Jón Ásgeir segir að stjórn Baugs hafi ekki fjallað sérstaklega um þessa kröfu félagsins á Fjárfar. Aðspurður segir Jón Ásgeir að ekki hafi legið fyrir stjórnarsamþykkt fyrir þessum þremur viðskiptum, enda hafi ekki þurft neina stjórnarsamþykkt fyrir slíkum viðskiptum. Þetta hafi ekki verið það stór viðskipti.

Jón Ásgeir er spurður hvort og þá hvenær gengið var á eftir innheimtu á þessari skuld Fjárfars við Baug.

Jón Ásgeir kveðst vísa í fyrri svör sín varðandi innheimtu á þessari kröfu félagsins gagnvart Fjárfari.

Jón Ásgeir er spurður hvaða mat hann leggi eða hafi lagt á lögmæti þessarar lánveitingar.

Jón Ásgeir segir þetta hafa verið viðskipti með greiðslufresti.

Vaxtareikningur í bókhaldi Baugs:

Samkvæmt fyrirliggjandi gögnum er aldrei um greiðslu að ræða vegna hlutabréfakaupa Fjárfars í Baugi eða Baugi.net á tímabilinu maí 2000 þar til við húsleit 28.08.2002. Reiknaðir eru dráttarvextir á kröfuna gagnvart Fjárfari kr. 29.969.758 þann 30.06.2001 frá júlí 2000. Ekki hafa verið reiknaðir dráttarvextir eftir 30.06.2001 og gætir þar ósamræmis í meðferð dráttarvaxta. Jón Ásgeir er beðinn um að skýra þetta.

Jón Ásgeir segir að það komi tvennt til í þessum sambandi. Annars vegar viðskiptin með Baug.net þar sem viðskiptin voru látin ganga til baka sökum þess að ekkert varð úr þeim fyrirætlunum að koma Baugi.net á markað. Því hafi ekki verið talið eðlilegt að reikna vexti á þá kröfu sem skapaðist vegna þeirra viðskipta. Hins vegar viðskiptin með bréfi í Baugi í tengslum við hlutafjárútkninguna í Baugi. Þar hafi Baugur þrýst á að Fjárfar tæki þátt í því hlutafjárútbóði og tæki þátt í viðskiptum Baug með bréf í Tryggingarmiðstöðinni, eins og frægt er orðið – meðal annars með miklum skrifum í Morgunblaðið. Sökum þessa hafi þessir vaxtaútreikningar verið framkvæmdir með þessum hætti.

Stjórnun og rekstur Fjárfars ehf.

Jón Ásgeir er beðinn um að skýra skilmerkilega frá sinni aðkomu að félaginu Fjárfari ehf.

Jón Ásgeir kveðst vísa í þá skýrslu sem hann gaf hjá Skattrannsóknarstjóra ríkisins (SRS) þann 1. júní 2004, varðandi aðkomu sína að félaginu Fjárfari ehf.

Jón Ásgeir er beðinn um að gera grein fyrir eignarhaldi hans í Fjárfari.

Jón Ásgeir kveðst vísa í þau svör sem hann gaf hjá SRS þar komi það fram.

Jón Ásgeir er spurður hvort hann hafi starfað fyrir félagið Fjárfar.

Jón Ásgeir kveðst vísa til þess sem hann hafi svarað hjá SRS, það svari þessari spurningu.

Jóni Ásgeiri er kynnt að lögregla hafi yfirheyrð, Eirík Sigurðsson, Helgu Gísladóttur, Aðalstein Hákonarson, Helga Jóhannesson, Kristínu Jóhannesdóttur, Sigfús Sigfússon, Arnfinn Sævar Jónsson. Allir þessir aðilar hafa vísað á Jón Ásgeir með einum eða öðrum hætti varðandi raunverulega stjórnun eða eignarhald á Fjárfari. Jón Ásgeir er beðinn um að taka afstöðu til þessa.

Jón Ásgeir kveðst vísa til þeirra svara sem hann hafi gefið Skattrannsóknarstjóra ríkisins. Hann kveðst engu hafa við það að bæta. Hann vill þó vekja athygli lögreglu á tæplega 60 milljón króna greiðslu til Eiríks Sigurðssonar frá Fjárfari, sem komi fram í skýrslu Skattrannsóknarstjóra ríkisins varðandi Fjárfar.

Jón Ásgeir er spurður hver það var í raun sem stjórnaði rekstri félagsins Fjárfars.

Jón Ásgeir kveðst vísa í svör sín hjá SRS. Hann hafi engu við það að bæta.

Jón Ásgeir er spurður hvort raunin hafi verið sú að hann hafi setið beggja megin borðs í viðskiptum Fjárfars og Baugs.

Jón Ásgeir kveðst neita því. Hann kveðst hafa svarað þessu í svörum sínum hjá SRS.

Samningur Fjárfars og Straums dags. 18.5.2001:

Undir Jón Ásgeir er borið skjal nr. II/37.2.3. Um er að ræða samning um hlutabréfaviðskipti þar sem skv. upplýsingum frá Fjárfari hlutabréf í Baugi að nv. kr. 40.000.000 voru seld til Fjárfestingarfélagins Straums gegn hlutabréfum í hinu síðarnefnda. Baugur hafi um svipað leyti fjárfest í Straumi en Fjárfar og Baugur ætluðu að hafa með sér samstarf í Straumi

Þegar Helgi Jóhannesson var spurður um þessi viðskipti Fjárfars við Straum vísaði hann á Jón Ásgeir og sagði hann að það hafi verið Jón Ásgeir og Þórður Már Jóhannesson sem hafi samið um þessi viðskipti og Helgi hafi undirritað þá samninga sem þeir höfðu náð sín á milli f.h. Fjárfars.

Þórður Már lýsti því einnig í skýrslutöku hjá RLS 24. ágúst 2004 að það hafi verið Jón Ásgeir sem kom að samningaviðræðunum f.h. Fjárfars og sagði Þórður að hann hefði komið fram sem einn af fleiri hluthöfum Fjárfars.

Jón Ásgeir er beðinn um að lýsa þessum viðskiptum og fyrirætlunum hans með þau sérstaklega í ljósi þess að dótturfélag Baugs, Dúkur ehf., tók einnig þátt í útboðinu og skv. svari frá Einari Þór Sverrissyni f.h. Fjárfars ætluðu Baugur og Fjárfar að eiga með sér samstarf í Straumi.

Jón Ásgeir segir að þetta hafi verið hluti að undirbúningi að yfirtöku á Tryggingamiðstöðinni hf. Þar hafi Fjárfar og Baugur ætlað að hafa með sér samstarf. Liður í þeim undirbúningi hafi verið þessi viðskipti með hlutabréf í Straumi.


Jón Ásgeir kveðst telja að nokkur félög sem tengdust honum hafi verið að kaupa hlutabréf í Straumi á þessum tíma. Hann segir að það geti vel verið að hann hafi komið á þessum viðskiptum milli Fjárfars og Straums. Jón Ásgeir tekur það fram að hann hafi átt 9% eignarhlut í Fjárfari á þessum tíma og verið í góðum samskiptum við Helga Jóhannesson á þessum tíma.

Jón Ásgeir er spurður hvort hann hafi einhverju við framburð sinn að bæta.

Jón Ásgeir kveðst vilja ítreka það að hann hafi komið að þessum þremur viðskiptum milli Fjárfars og Baugs sem borin hafa verið undir hann við þessa yfirheyrslu. Hann kveðst jafnframt hafa komið að því og hlutast til um að Fjárfar gerði upp sínar skuldir við Baug. Þannig hafi Baugur komið skaðlaust frá þessum viðskiptum við Fjárfar og enginn orðið fyrir tjóni vegna þessara viðskipta.


Skýrslutöku lauk kl. 16⁴⁵

Staðfest rétt eftir haft:



Jón Ásgeir Jóhannesson

Skýrsluna skráði:



Sveinn Ingiberg Magnússon

Viðstödd yfirheyrsluna :



Gestur Jónsson, hrl



Aldís Hilmarsdóttir, lögreglufulltrúi

RÍKISLÖGREGLUSTJÓRINN	SKÝRSLA YFIRHEYRSLA SAKBORNINGUR/GRUNADUR	R L S	
Skýrslu gerir	Aldís Hilmarsdóttir, lögreglufulltrúi	Mál nr.	006-2002-00086
Staður og stund:	Skrifstofa efnahagsbrotadeildar, föstudaginn 24. júní 2005, kl. 10:30.		V/4.21
Sakarefni:	Umboðssvik (249. gr. alm.hgl.) - ólögmætar lánveitingar (104. gr. 2/1995) – ætluð brot á lögum um ársreikninga.		
Vitni:	Jón Ásgeir Jóhannesson	Kennitala:	270168-4509
Starf/staða:	Forstjóri	Vinnusími:	696 9999
Lögheimili:	Laufásvegi 69, 101 Reykjavík	Sími:	
Dvalarstaður:		Sími:	
Kynnt tilefni yfirheyrslunnar, vitnaskylda og ábyrgð.			

Jón Ásgeir er mættur á skrifstofu efnahagsbrotadeildar ríkislögreglustjórans skv. boðun, ásamt skipuðum verjanda sínum Gesti Jónssyni hrl.

Honum er kynnt ástæða skýrslutökunnar sem varðar rannsókn lögreglu á ætluðum umboðssvikum og ólögmætum lánveitingum Jóns Ásgeirs í tengslum við viðskipti Baugs við Fjárfar ehf. Jóni Ásgeiri er kynnt að honum sé ekki skylt að svara spurningum um eigið sakarefni en brýnt fyrir honum að segja satt og rétt frá og draga ekkert undan sem máli kann að skipta.

Jón Ásgeir kveðst skilja þessi réttarfarsákvæði.

Jón Ásgeir var spurður um þetta sakarefni hjá lögreglu, þ.e. málefni vegna viðskipta Baugs við Fjárfar ehf., 27. ágúst 2004 en mun hann nú verða spurður nánar um þau og óskað er eftir frekar skýringum varðandi nokkur atriði. Að auki verða bornir undir hann framburðir annarra sakborninga og vitna sem og tölvupóstsamskipti er málinu tengjast.

Í fyrri skýrslutöku vísaði Jón Ásgeir að nokkru leyti til svara sinna sem hann hafði gefið við skýrslutökur hjá skattrannsóknarstjóra ríkisins (SRS), 1. júní 2004. Rannsóknarar hafa nú kynnt sér þá skýrslu og hafa nokkrar spurningar varðandi þann framburð.

Útrentun viðskiptareiknings Fjárfars úr bókhaldi Baugs fyrir tímabilið 01.01.1998-28.08.2002 til liggur frammi ásamt þeim framburðarskýrslum sem vitnað verður í við yfirheyrsluna.

16.05.2000: “Hlutafé í Baugi selt Fjárfari, 5m * 12,9”

Þegar Jón Ásgeir var spurður um þessi viðskipti í skýrslutökunni 27. ágúst 2004 sagði hann aðspurður um hvaða mat hann legði eða hafi lagt á lögmæti þessarar lánveitingar að um hafi verið að ræða viðskipti með greiðslufresti.

Jón Ásgeir er beðinn um að skýra það nánar. Bent er á að á kaupsamningnum frá 16. maí 2000 stendur í 2.gr. “kaupverð....er til greiðslu 2. júní 2000”.

Jón Ásgeir segir að greiðslufresturinn hafi verið lengri en sagði til um á kaupsamningnum en segir aðspurður ekki vitað hversu langur þessi frestur var. Jón Ásgeir segir að hann hafi verið fullviss um að þessi krafa væri góð enda væri hún nú greidd að fullu.

Jón Ásgeir var skýrslutökunni 27. ágúst 2004 spurður um aðkomu hans að nefndum viðskiptum með 5 milljón hluti í Baugi og sagðist hann hafa skrifað undir samninginn en ekki geta gert nánari grein fyrir

07206

aðkomu sinni að þeim. Jón Ásgeir var einnig spurður um hver hafi komið fram fyrir hönd Fjárfars í viðskiptunum og sagði hann að það hafi verið Helgi Jóhannesson, enda hafi Helgi undirritað samninginn.

Jóni Ásgeiri er kynntur framburður Helga frá 09. júlí 2004 varðandi viðskiptin sem færð eru í bókhald Baugs 16.05.2000:

„Helgi er spurður hver hafi tekið ákvörðun um að þessi bréf skyldu keypt og að þau skyldu gerð með þessum hætti þ.e. að stofna til skuldar við Baug.

Helgi segir að það hljóti að hafa verið Jón Ásgeir Jóhannesson án þess þó að geta fullyrt um það.

Undir Helga er borið fylgiskjal 8.4 sem er hluti af skýrslu SRS. Um er að ræða kaupsamning á milli Baugs sem seljanda og Fjárfars sem kaupanda að 5.000.000 hlutum í Baugi samtals að fjárhæð kr. 64.500.000. Jón Ásgeir ritar undir samninginn fyrir hönd Baugs en Helgi f.h. Fjárfars. Helgi er spurður hvort hann þekki þennan samning og geti staðfest undirritun sína á honum. Einnig er hann spurður hvort hann viti hver hafi útbúið þennan samning.

Helgi segist þekkja þennan samning og undirritun sína á honum. Hann segist ekki hafa útbúið hann sjálfur og viti ekki hver gerði það. Hann telji að það hafi verið Jón Ásgeir sem kom með hann til hans.

Helgi er spurður hver tilgangur með þessum kaupum hafi verið en hann kveðst ekki vita það.“

Jóni Ásgeiri er kynntur framburður Kristínar frá 10. ágúst 2004 varðandi viðskiptin sem færð eru í bókhald Baugs 16.05.2000:

„Kristín er spurð hver hafi tekið ákvörðun um að þessi bréf skyldu keypt og að þau skyldu gerð með þessum hætti þ.e. að stofna til skuldar við Baug.

Kristín biður um að fá að sjá samninginn að baki þessum viðskiptum og er sýndur hann. Kristín segist ekki hafa séð þetta skjal áður og segist ekki getað svarað því hver tók þessa ákvörðun það hafi í öllu falli ekki verið hún. Kristín segist ekki hafa vitað til þess að þessi viðskipti áttu sér stað.

Samkæmt upplýsingum frá innri endurskoðun Baugs Group hf. voru 5.000.000 hlutir að nafnverði seldir til Fjárfars þann 16. maí 2000 sem framseldi bréfin til Helgu Gísladóttur. (sbr. fylgiskjal 8.2 úr skýrslu SRS) Kristín er spurð hver tilgangur með þessum kaupum hafi verið.

Kristín segist ekki vita hver tilgangur kaupanna hafi verið á þeim tímapunkti þegar þau voru keypt og ekki vita hvort að Helga hafi fengið þessi bréf.

Kristín er spurð hvort og þá hvenær Baugur hefði hafið innheimtu á þessari skuld Fjárfars við Baug.

Kristín segir að skuldin hafi verið gerð upp í byrjun árs 2003 en hún vísar á Jón Ásgeir varðandi frágang á þessari skuld. Hún kvaðst ekki minnst innheimtuaðgerða af hálfu Baugs.“

Jón Ásgeir er beðinn um að skýra frá aðkomu sinni að þessum viðskiptum í ljósi ofangreindra framburða og greina frá því hvaða aðilar það voru fyrir hönd Fjárfars sem hann átti ofangreind viðskipti við.

Jón Ásgeir segir varðandi framburð Helga að Helgi hafi undirritað samninginn og hann hafi engu við það að bæta. Jón Ásgeir segir að þar sem Helgi hafi skrifað undir samninginn þá hafi það verið hann sem hann átti viðskipti við, aðspurður kveðst Jón Ásgeir ekkert hafa um framburð Kristínar að segja. Jón Ásgeir segir að hann hafi einungis komið að viðskiptunum fyrir hönd Baugs.

Jóni Ásgeiri er kynnt að skv. hluthafaskrá Baugs voru 5.000.000 hlutirnir í Baugi sem Fjárfar keypti af Baugi 16. maí 2000 framseldir til Helgu Gísladóttur. Jón Ásgeir er spurður hvort að hann hafi vitað af þessari ráðstöfun bréfanna frá Fjárfari.

Jón Ásgeir segir að Helga hafi fengið 20 milljónir hluta í Baugi frá Gaumi í tengslum við viðskiptin með Vöruveltuna en Jón Ásgeir segir að hann telji þessar 5 milljónir hluta ekki vera hluta af þeim. Jón Ásgeir segir aðspurður ekki hafa vitað að þessir hlutir sem Baugur seldi Fjárfari 16.05.2000 hefðu runnið til Helgu Gísladóttur.

30.06.2000: "Baugur.net selt til Fjárfars" - kr. 50.000.000

Jón Ásgeir hefur lýst því að þessi viðskipti við Fjárfar hafi gengið til baka sökum þess að forsendur þess að setja Baug.net á markað hafi brostið. Í yfirheyrslu hjá lögreglu 27. ágúst 2004 sagði Jón Ásgeir m.a. "að viðskipti annarra fjárfesta sem keypt höfðu í Baugi.net hafi einnig verið bakfærð".

Fyrir Jón Ásgeir er lögð útprentun hreyfingarlista úr bókhaldskerfi Baugs vegna Baugs.net. Þar má sjá viðskipti með bréfin í Baugi.net og má þar sjá bæði þegar umrædd bréf eru seld til Fjárfars og einnig þegar salan er bakfærð. Einnig má þar sjá þegar hlutabréf eru seld til Talentu (Tæknisjóður, Íslandsbanki) en ekki er hægt að sjá að þau viðskipti hafi verið bakfærð. Í ljósi þessa misræmis í framburði Jóns Ásgeirs frá 27. ágúst og bókhaldsgagna Baugs er hann beðinn um að skýra þetta nánar.

Jón Ásgeir segir að hann sé fullviss um að viðskiptin á milli Baugs og Talentu með bréfin í Baugi.net hafi verið bakfærð þrátt fyrir að það komi ekki fram á þessum bókhaldsgögnum, hann muni ekki með hvaða hætti það hafi verið gert.

Aðspurður um hvort að það hafi verið gert eftir 28. ágúst 2002, segir Jón Ásgeir að það geti verið.

Jón Ásgeir segir að Baugur ætti að geta framvísað gögnum varðandi þessa bakfærslu. Aðspurður um hver það hafi verið hjá Talentu sem hafi komið að þessum viðskiptum og þá bakfærslu þeirra segir Jón Ásgeir að hann muni það ekki.

Jóni Ásgeiri er kynntur framburður Jóns Scheving Thorsteinssonar frá 28. október 2004 varðandi viðskiptin sem færð eru í bókhald Baugs 30.06.2000:

„Jón er beðinn um að greina frá aðkomu sinni að umræddum viðskiptum með bréf Baugs.net.

Jón skýrir svo frá að einn daginn hafi Jón Ásgeir Jóhannesson kallað á hann inn í eitt fundarherbergja Baugs þar sem var fyrir Helgi Jóhannesson. Jón Ásgeir hafi beðið hann um að líta á þennan umrædda samning (skjal II/37.2.2). Jón Scheving sagðist hafa litist vel á þennan samning og skrifað undir hann þrátt fyrir að hafa ekki verið með prókúru fyrir Baug.

Aðspurður hvort að hann hafi litið svo á að búið hafi verið að ganga frá viðskiptunum áður en Jón Scheving var kallaður til, telur hann svo vera. Hann hafi einungis litið yfir samninginn í fljótheitum, litist vel á sölugengið og skrifað undir. Viðskiptin hefðu í raun komist á þótt Jón Scheving hefði ekki skrifað undir samninginn. Jón Scheving taldi það hafa verið mjög eðlilegt og Jón Ásgeir léti hann vita af þessum viðskiptum.

Aðspurður kvaðst Jón Scheving ekki vita hver hafi komið með tillögu að þessum viðskiptum, aðkoma hans var einungis frá þeim tímapunkti sem að framan greinir. Jón Scheving skýrir þó frá því að hann hafi á þessum tíma verið að leita eftir fjárfestum til að kaupa hlutabréf í Baugi.net en Fjárfar hafi ekki verið einn af þeim.“

Jóni Ásgeiri er kynntur framburður Helga Jóhannessonar frá 09. júlí 2004 varðandi viðskiptin sem færð eru í bókhald Baugs 30.06.2000:

„Helgi er spurður hver hafi tekið ákvörðun um að þessi bréf skyldu keypt og að þau skyldu gerð með þessum hætti þ.e. að stofna til skuldar við Baug.

Helgi segir að það hafi annaðhvort verið Jón Ásgeir eða Kristín sem sögðu honum að þessi viðskipti ættu að fara fram. Helgi kveðst minnast þess að hann hafi þurft að hafa fyrir því að fá framsal á

hlutabréfunum til Fjárfars frá Baugi, en síðar hafi viðskiptin verið látin ganga til baka með samþykki aðila sbr. færslu í bókhaldi þess efnis.

Undir Helga er borið skjal málsins nr. II/37.2.2. Um er að ræða kaupsamning dags. 16. júní 2000 á milli Baugs sem seljanda og Fjárfars sem kaupanda að 2.500.000 hlutum í Baugi.net samtals að fjárhæð kr. 50.000.000. Jón Ásgeir og e.t.v. Jón Scheving Thorsteinsson rita undir samninginn fyrir hönd Baugs en Helgi f.h. Fjárfars.

Helgi er spurður hvort hann þekki þennan samning og geti staðfest undirritun sína á honum. Einnig er hann spurður hvort hann viti hver hafi útbúið þennan samning.

Helgi segist þekkja þennan samning og undirritun sína á honum. Hann segist ekki hafa útbúið hann sjálfur og viti ekki hver gerði það

Helgi er spurður hver tilgangur með þessum kaupum hafi verið en hann kveðst ekki vita það. Hann segist ekkert hafa komið nálægt samningagerðinni eða samningaviðræðum.“

Jóni Ásgeiri er kynntur framburður Kristínar Jóhannesdóttur frá 10. ágúst 2004 varðandi viðskiptin sem færð eru í bókhald Baugs 30.06.2000:

„Kristín er spurð hver hafi tekið ákvörðun um að þessi bréf skyldu keypt og að þau skyldu gerð með þessum hætti þ.e. að stofna til skuldar við Baug.

Kristín óskar eftir að sjá samninginn varðandi þessi kaup og er henni sýndur hann, hún kveðst ekki muna eftir að hafa séð hann áður. Kristín kveðst ekki vita hver hafi tekið ákvörðun um þessi kaup og ekki vita hver tilgangurinn með þessum kaupum hafi verið. Kristín kvaðst heldur ekki muna eftir því að hún hafi vitað af þessum viðskiptum þegar þau áttu sér stað.“

Jón Ásgeir er beðinn um að skýra frá aðkomu sinni að þessum viðskiptum í ljósi ofangreindra framburða og greina frá því hvaða aðilar það voru fyrir hönd Fjárfars sem hann átti ofangreind viðskipti.

Jón Ásgeir segir að Baugur hafi átt þessi viðskipti við Helga Jóhannesson eins og kaupsamningurinn ber með sér.

13.02.2001: “Fjárfar ehf. ógr. hlutafjárakning” - kr. 85.758.591

Jóni Ásgeiri er kynntur framburður Helga Jóhannessonar frá 09. júlí 2004 varðandi viðskiptin sem færð eru í bókhald Baugs 13.02.2001:

„Helgi er spurður hver hafi tekið ákvörðun um að þessi bréf skyldu keypt og að þau skyldu gerð með þessum hætti þ.e. að stofna til skuldar við Baug.

Helgi segir að hann minni, án þess þó að geta fullyrt það, að það hafi verið að beiðni Kristínar sem hann tilkynnti Baugi að Fjárfar hygðist nýta sér forkaupsrétt sinn í hlutafjárakningunni, hann kveður þetta vera einu afskipti sín af þessu máli og í raun ekki fylgt því eftir á annan hátt eða skrifað undir samninga þar að lútandi að því hann telji. Hann hafi ekki vitað um fjármögnun viðskiptanna og ekki fengið neinn eftirtekstur eða innheimtu af hendi Baugs. “

Jóni Ásgeiri er kynntur framburður Kristínar frá 10. ágúst 2004 varðandi viðskiptin sem færð eru í bókhald Baugs 13.02.2001:

„Kristín er spurð hver hafi tekið ákvörðun um að þessi bréf skyldu keypt og að þau skyldu gerð með þessum hætti þ.e. að stofna til skuldar við Baug.

Kristín segist ekki vita hver tók ákvörðun um það, það hafi eflaust verið í tengslum við Jón Ásgeir. Kristín kveðst hafa heyrt að það hafi verið pressa á að allir tækju þátt í útboðinu og því líklegt að Jón Ásgeir hafi tekið ákvörðun um að Fjárfar yrði með í því. Hún hafi e.t.v. beðið Helga um að tilkynna um þátttöku Fjárfars í útboðinu en hún hafi ekkert vitað um frágang þeirra viðskipta. Kristín kveðst ekki hafa vitað á þessum tíma að um hefði verið að ræða lán frá Baugi.“

Jón Ásgeir er beðinn um að skýra frá aðkomu sinni að þessum viðskiptum í ljósi ofangreindra framburða og greina frá því hvaða aðilar það voru fyrir hönd Fjárfars sem hann átti ofangreind viðskipti.

Jón Ásgeir segir að hann hafi haft samband við Helga Jóhannesson og beðið hann um að skrá Fjárfar fyrir hlutum í útboðinu enda hafi hann haft vilyrði um það að Gilding vildi kaupa umrædd bréf aftur af Fjárfari og þannig myndi Fjárfar geta hagnast á kaupunum. Þetta hafi síðan ekki orðið, Helgi hafi skráð Fjárfar fyrir bréfunum en Gilding hafi ekki keypt þau aftur af Fjárfari eins og til stóð.

Trygging skuldarinnar

Rannsóknarar óska eftir nánari svörum hvað varðar tryggingu þeirrar skuldar sem myndast hafði á viðskiptareikningi Fjárfars hjá Baugi en skv. þeim reikningi var skuld Fjárfars við Baug 28.08.2002 að fjárhæð kr. 168.883.376.

Fyrri framburðir Jóns Ásgeirs varðandi þetta efni:

Í skýrslutöku hjá lögreglu 11. apríl 2003 sagði Jón Ásgeir að Baugur hf. verið með tryggingarskuldbréf gagnvart heildarskuld Fjárfars ehf. við Baug hf.

Jón Ásgeir sagði að ákveðið tryggingarskjal gagnvart skuld Fjárfars ehf á viðskiptamannareikningi Baugs hf. væri í vörslum Baugs hf. Um væri að ræða skuldbréf, en hann kvaðst ekki muna fjárhæð skuldbréfsins

Jón Ásgeir er beðinn um að skýra þetta nánar, lýsa því um hvaða tryggingu sé að ræða og leggja fram umrætt skuldbréf og þá samninga sem þar kunna að liggja að baki.

Jón Ásgeir segir það vera rétt að það hafi verið tryggingarskuldbréf í förum Baugs sem var til tryggingar heildarskuld Fjárfars við Baug og segir Jón Ásgeir að hann geti lagt bréfið fram, það sé til hjá Baugi.

Jón Ásgeir segir vilja ítreka það að hann hafi ekki haft neinar áhyggjur af því að Fjárfar gæti ekki greitt sínar skuldbindingar gagnvart Baugi eins og síðar kom á daginn.

Fyrri framburðir annarra varðandi þetta efni:

Jóhanna Waagfjörð, fjármálastjóri Baugs, var spurð í skýrslutöku hjá lögreglu 1. apríl 2003 hvort að fyrir lægju einhver skuldaskjöl varðandi lánveitingarnar til Fjárfars eða hvort Fjárfar hefði sett fram einhverjar tryggingar fyrir þessum lánveitingum, en hún svaraði því til að engin slík skjöl lægju fyrir að hún vissi.

Helgi Jóhannesson, stjórnarformaður Fjárfars, sagðist í skýrslutöku hjá lögreglu 9. júlí 2004, ekki kannast við að nokkrar tryggingar hafi verið lagðar fram gegn skuldum Fjárfars við Baug.

Stefán Hilmarsson, skrifaði í bréfi sínu, dags. 21. september 2004, skjal II/23.11, þegar hann svaraði spurningum lögreglu, að hann sem endurskoðandi Fjárfars kannaðist ekki við að Fjárfar ehf. hafi lagt fram tryggingar vegna skuldar sinnar við Baug.

Jón Ásgeir segir að það hafi klárlega verið tryggingar fyrir þessari skuld hjá Baugi og hann viti ekki hvers vegna Jóhanna, Helgi og Stefán hafi ekki vitað af þeim. Jón Ásgeir segir að hann telji að þessir aðilar hafi ekki skilið spurningarnar sem lögreglu hafi lagt fyrir þau við þessar skýrslutökur. Jón Ásgeir segir að það þurfi greinilega að finna þetta skuldbréf.

RLS sendi bréf til Baugs, dags. 22. apríl 2003 - skjal II/15.27, þar sem m.a. var óskað eftir að "upplýst verði hvort, og þá hvaða tryggingar voru/hafa verið lagðar fram vegna skulda Fjárfars ehf. en frá maí 2000 hefur Baugur hf átt kröfur á það félag vegna hlutabréfaviðskipta í Baugi hf"

Daginn eftir eða 23. apríl 2003 sendi Jón Ásgeir Jóhannesson systur sinni Kristínu tölvupóst, póstur úr tölvu Kristínar var meðal gagna sem SRS aflaði við húsrannsókn hjá Gaumi, þar sem eftirfarandi kemur fram:

*"Ath. neðangreint kom frá RLS í dag. Ég tel að við beitum okkur fyrir því að F skuldin verði greidd við Baug G. Tel að við eigum að selja Baugi Group Smáralind. Ganga frá þessu í næstu viku....
Kv. Jaj"*

Jón Ásgeir er spurður hvers vegna ekki var farið "að beita sér" fyrir því að skuldin yrði greidd fyrr en að þessi fyrirspurn kom frá RLS. Jóni Ásgeiri er bent á að þegar RLS sendir þetta bréf er skuld Fjárfars við Baug orðin meira en 2 ára gömul.

Jón Ásgeir segir að skuldin hafi að lokum verið greidd og því ekkert vandamál með það, menn hafi ekki haft neinar áhyggjur af þessari skuld enda hafi hún fengist greidd að lokum. Jón Ásgeir segir að hjá Baugi hafi menn á þessum tíma haft um aðra hluti að hugsa en svona smá liði á efnahagsreikningi, m.a. að verjast árásum lögreglu á fyrirtækið.

Jón Ásgeir sagði í skýrslutöku hjá lögreglu 27. ágúst 2004: "að búið sé að gera upp allar skuldir Fjárfars gagnvart Baugi í dag" og hefur margtrefað það við þessa yfirheyrslu.

Jón Ásgeir er beðinn um að skýra frá því hvernig skuldin var gerð upp og hvenær. Jón Ásgeir er jafnframt beðinn um að leggja fram þau gögn sem tengjast þeirri uppgreiðslu.

Jón Ásgeir segir að hann muni ekki nú hvernig þessi skuld var gerð upp eða hvenær, lögregla þurfi að senda beiðni til Baugs um gögn sem tengjast uppgreiðslunni.

Eignarhald og stjórnun Fjárfars:

Í skýrslutöku hjá lögreglu 27. ágúst 2004 var Jón Ásgeir spurður um eignarhald og stjórnun Fjárfars. Hann vísaði þá í svör sín sem hann hafði gefið í skýrslu hjá skattrannsóknarstjóra ríkisins (SRS) 1. júní 2004.

Rannsóknarar hafa nú lesið þá skýrslu og vilja því spyrja hann nánar út í þetta.

Í skýrslu SRS segir Jón Ásgeir að hann og Tryggvi Jónsson hafi komið að stofnun Fjárfars og að hann og Tryggvi hafi verið ráðgefandi um það hvernig starfsemi félagsins hafi verið. Þeim fjárhagslegu ráðstöfunum sem Fjárfar fóru í á árunum 1998 og 1999 hafi Eiríkur Sigurðsson ekki komið að, þær ákvarðanir hafi verið teknar af honum sjálfum og Tryggva.

Einnig sagði Jón Ásgeir að hann myndi skila greinargerð til SRS varðandi hluthafa mál Fjárfars.

Þar sem engin greinargerð hefur borist frá Jóni Ásgeiri varðandi hluthafamál Fjárfars er hann beðinn um að skýra nákvæmlega frá þeim nú.

Jón Ásgeir segir að hann telji Einar Þór Sverrisson hafi sent inn greinargerð til SRS sem hafi skýrt þessi mál, hann haft engu við það bæta.

Jóni Ásgeiri er kynnt að svo virðist sem hann sé sá aðili sem mesta vitneskju hefur um starfsemi Fjárfars og hefur haft mest um hana að segja. Helgi Jóhannesson, stjórnarformaður Fjárfars frá 30.12.1999 til

05.03.2002 segist hafa unnið skv. fyrirmælum Kristínar sem hann taldi að væru komin frá Jóni Ásgeiri. Hann sagði það hafa komið honum þannig fyrir sjónir að það hafi verið Jón Ásgeir sem hafi ráðið för í rekstri og ákvarðanatöku félagsins

Kristín sagði að hún hafi eingöngu verið í milligöngu á milli Jóns Ásgeirs og Helga Jóhannessonar á þeim tíma sem Helgi var stjórnarformaður og sagði að Jón Ásgeir hafi verið í samskiptum við hluthafa og það hafi því verið hlutverk hennar að koma upplýsingum frá honum til Helga.

Jón Ásgeir kom að þeim þrennum viðskiptum sem til umfjöllunar eru í þessari yfirheyrslu og undirritaði samninga vegna þeirra. Jón Ásgeir hefur ekki getað bent á aðra aðila en Helga sem hann hafi verið í samskiptum við hjá Fjárfari við þessi viðskipti eða getað nefnt hluthafa Fjárfars.

Jón Ásgeir segir að það sé ekkert launungarmál hverjir hafi verið stofnendur Fjárfars og hluthafar, þ.e. Sigfús, Sævar, Helga og Eiríkur. Það hafi síðan verið hann og Tryggvi sem hafi tekið félagið undir sinn verndarvæng og lofað nefndum hluthöfum að þeir yrðu ekki fyrir fjárhagslegu tjóni vegna þessa enda hafi það verið þeir tveir sem komu þessu fólki að félaginu í byrjun. Jón Ásgeir ítrekar að það hafi enginn orðið fyrir tjóni vegna ofangreindra viðskipta eða með viðskipti Fjárfars í heild, nema þá helst Gaumur sem tók að sér fjárgæslu félagsins.

Það er ljóst að til þrenna viðskipta var stofnað á milli Baugs og Fjárfars, á árunum 2000 og 2001. Jón Ásgeir undirritaði tvo kaupsamninga á árinu 2000 sem gerðir voru í þessum þremur viðskiptum og vitni hafa bent á að Jón Ásgeir hafi haft milligöngu um þátttöku Fjárfars í hlutafjárútbóði Baugs um áramótin 2000 og 2001.

Jón Ásgeir segir að það sé ljóst að Helgi Jóhannesson hafi verið virkur þátttakandi í viðskiptum Fjárfars og Baugs þrátt fyrir framburð Helga um annað. Jón Ásgeir segir að það eina sem hann hafi beinlínis sagt Helga að gera hafi verið að skrá Fjárfar fyrir hlutum í hlutafjárútbóði Baugs, því að hann hafði áhugasaman kaupanda sem vildi kaupa bréfin af Fjárfari.

Jón Ásgeir er spurður hverjir hafi kosið Jóhannes Jónsson sem núverandi stjórnarformann Fjárfars.

Jón Ásgeir segir að hann viti það ekki, það hljóti hafa verið á hluthafafundi félagsins.

Jóni Ásgeiri er kynnt að rannsóknarar hafi nú lokið yfirheyrslu og hann spurður hvort hann hafi einhverju við framburð sinn að bæta.

Jón Ásgeir segir að hann hafi engu við framburð sinn að bæta.

Skýrslutöku lauk kl. 16:48.

Staðfest rétt eftir haft:


Skýrsluna skráði:



Jón Ásgeir Jóhannesson


Aldís Hilmarsdóttir

Viðstaddur yfirheyrsluna :

Þátttakandi í yfirheyrslunni :


Gestur Jónsson, hrl


Sveinn Ingiberg Magnússon, lögreglufulltrúi